
Мустақиллик иншоотлари

Болалар спортини ривожлантириш жамғармаси томонидан вилоятимизнинг барча ҳудудларида спортсевар болажонлар учун янги-янги спорт иншоотлари қурилиб, улар ихтиёрига топширилмоқда. Бундан кўзланган асосий мақсад-ёшлар ўртасида соғлом турмуш тарзини шакллантириш, спортни оммалаштириш, уларни ҳам маънан, ҳам жисмонан баркамол вояга етказишдан иборат.

–2018 йилда вилоятимизда 6 та, яъни Фарғона шаҳридаги болалар кўп тармоқли спорт комплекси қурилишига 30 млрд. сўм, Бағдод туманидаги ёпиқ сув ҳавзаси қурилишига 5 млрд. сўм, Қўқон шаҳридаги 1-сонли БЎСМ ёпиқ сув ҳавзаси қурилишига 5 млрд. сўм, Марғилондаги “Атласчи” болалар ва ўсмирлар спорт мактаби стадионини реконструкция қилишга 2,5 млрд. сўм, Фарғона тумани Шохимардон қишлоғидаги стадионни реконструкция қилиш ва қўшимча янги спорт зали қурилиши учун 4 млрд. сўм, Қўқондаги 2-БЎСМ нинг ёпиқ сув ҳавзасини мукамал таъмирлашга 1 млрд. сўмлик жами 47 млрд. 500 млн. сўмлик қурилиш-таъмирлаш ишлари олиб борилиши белгиланган,-дейди республика болалар спортини ривожлантириш жамғармаси Фарғона вилоят филиали директори Р.Холиқназаров.

Мустақиллик байрами арафасида Фарғона шаҳридаги болалар кўп тармоқли спорт комплекси объектида, Бешариқ, Олтиариқ, Риштон, Учкўприк, Тошлоқ, Фарғона ва Қува туманларидаги марказий ўйингоҳларда реконструкция ишлари бажарилди. Йил якунигача юқорида санаб ўтилган объектлардаги қурилиш-таъмирлаш ишлари ниҳоясига етказилади.

М.ТОЖАЛИЕВА.

2018-09-05 12:01:15